

VENDIM
Nr. 397, datë 29.6.2023

PËR DISA NDRYSHIME DHE SHTESA NË VENDIMIN NR. 386, DATË 1.6.2022, TË KËSHILLIT TË MINISTRAVE, “PËR MIRATIMIN E FUSHAVE DHE TË PROGRAMEVE TË STUDIMIT, QË PËRBËJNË PRIORITET KOMBËTAR, DHE MBËSHTETJEN FINANCIARE TË STUDENTËVE TË SHKËLQYER E TË STUDENTËVE, QË NDJEKIN KËTO PROGRAME NË INSTITUCIONET PUBLIKE TË ARSIMIT TË LARTË”

Në mbështetje të nenit 100 të Kushtetutës dhe të pikës 5, të nenit 112, të ligjit nr. 80/2015, “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, me propozimin e ministrit të Arsimit dhe Sportit, Këshilli i Ministrave

VENDOSI:

1. Në vendimin nr. 386, datë 1.6.2022, të Këshillit të Ministrave, bëhen këto ndryshime dhe shtesa:

a) Në pikën 2, fjalët “... për vitin akademik 2022–2023, e në vijim ...” hiqen.

b) Shkronja “c”, e pikës 2, ndryshohet, si më poshtë vijon:

“c) Studenti, i cili ka zgjedhur të ndjekë një prej programeve të studimit, që përbën prioritet kombëtar.”.

c) Pika 4 ndryshohet, si më poshtë vijon:

“4. Studenti përfitues sipas shkronjave “a” dhe “b”, të pikës 2, të këtij vendimi, me qëllim vijimin e financimit, duhet të ruajë notën mesatare, jo më pak se 9.5 gjatë gjithë kohëzgjatjes së studimeve të ciklit të parë dhe të dytë ose gjatë ndjekjes së studimeve të integruara të ciklit të dytë në institucionin publik të arsimit të lartë.”.

ç) Fjalja e parë, e pikës 6, ndryshohet, si më poshtë vijon:

“Përzgjedhja e studentëve përfitues sipas shkronjave “a” dhe “b”, të pikës 2, të këtij vendimi, kryhet në bazë të renditjes, sipas notës mesatare/vendit të renditjes në olimpiada ndërkombëtare dhe fondit në dispozicion për vitin përkatës financiar.”.

d) Pas pikës 6 shtohet pika 6/1, me këtë përmbajtje:

“6/1. Përzgjedhja e studentëve përfitues për programet e studimit, që përbëjnë prioritet kombëtar, bëhet sipas kuotave të miratuara çdo vit për mbështetje financiare, për çdo IAL publike, nga ministri përgjegjës për arsimin dhe fondit në dispozicion për vitin përkatës financiar. Institucionet publike të arsimit të lartë i caktojnë këto kuota me vendim të Senatit Akademik për çdo program prioritar që ato ofrojnë, në përpjesëtim të drejtë me numrin e studentëve për çdo program dhe i përzgjedhin ato në bazë të renditjes, sipas notës mesatare në pranim, nëse numri i kërkuesve është më i madh se kuotat e ofruara. Vendimi i Senatit Akademik për shpërndarjen e kuotave për çdo program dhe për përzgjedhjen e studentëve përfitues i njoftohet ministrisë përgjegjëse për arsimin dhe Agjencisë Kombëtare të Financimit të Arsimit të Lartë.”.

dh) Shtojca nr.1, që përmendet në pikën 1, zëvendësohet me shtojcën me të njëjtin numër, që i bashkëlidhet këtij vendimi dhe është pjesë përbërëse e tij.

2. Ngarkohen Ministria e Arsimit dhe Sportit dhe institucionet publike të arsimit të lartë për zbatimin e këtij vendimi.

Ky vendim hyn në fuqi pas botimit në Fletoren Zyrtare dhe i fillon efektet nga viti akademik 2023–2024 e në vijim.

ZËVENDËSKRYEMINISTËR
Belinda Balluku

SHTOJCA NR. 1

Fushat e gjera të studimit	Fushat e detajuara të studimit	Programi i studimit
Arsimi	Arsimi	Arsim parashkollor
		Arsim fillor
Arte dhe humanizëm	Gjuhë dhe letërsi	Gjuhë shqipe dhe letërsi
	Histori dhe arkeologji	Histori-Gjeografi
Shkenca natyrore, matematikë dhe statistikë	Biologji	Biologji
		Biologji-Kimi
	Biologji Shkencat e mjedisit	Studime mjedisore
		Shkenca mjedisore, profili: Menaxhim i burimeve natyrore
	Shkencat e mjedisit Kimi	Kimi
	Fizikë	Fizikë
	Matematikë	Matematikë
		Matematikë-Fizikë
	Matematikë-Elektronikë dhe automatizëm	Inxhinieri matematike
Inxhinieri, prodhim dhe ndërtim	Elektronikë dhe automatizëm Teknologjia e mbrojtjes së mjedisit	Inxhinieri fizike
		Inxhinieri mjedisi
		Inxhinieri navale
	Mjete motorike, anije dhe avionë	Navigacion dhe menaxhim detar
	Mjete motorike, anije dhe avionë Miniera dhe industri nxjerrëse	Inxhinieri e burimeve minerare
		Inxhinieri e naftës dhe gazit
	Miniera dhe industri nxjerrëse Kultivim dhe prodhim	Inxhinieri gjeoinformatike
		Inxhinieri gjeologjike
		Inxhinieri gjeomjedis
		Inxhinieri agrare, profil: mbrojtje bimësh
		Inxhinieri agrare, profil: hortikulture
Bujqësi, pyje, peshkim dhe veterinari	Kultivim dhe prodhim Pyje	Inxhinieri agrare, profil: agronomi
		Inxhinieri agrare, profil: agromekanizëm
		Zootekni dhe siguria e produkteve blegtorale
		Biologji marine dhe akuakulturë
		Bioteknologji zooveterinare
		Agrobiologji
		Agrobiznes
		Agroushqim
		Vreshtari-Enologji
		Inxhinieri agronomike
		Inxhinieri pyjore
		Inxhinieri përpunim druri
	Pyje Veterinari	Mjekësi veterinare
		Menaxhim turizmi (rural, arkeologjik, kulturor, hotelieri-restorant, mikpritje)
Shërbime	Turizëm	Ekonomi-Turizëm
		Turizëm